

制誥

遣奉使巡行詔

朕祇承洪業夙夕惟寅凡所以圖治者悉遵祖宗成憲
曩者屢詔中外百司宣布德澤蠲賦省刑賑恤貧乏思
與黎元共享有生之樂尚慮有司未體朕意庶政或闕
惠澤未洽承宣者失於撫治司憲者怠於糾察俾吾民
重困朕甚憫焉今遣奉使宣撫分行諸道案問官吏不
法詢民疾苦審理冤滯凡可以興利除害速宜舉行有
罪者四品以上停職申請五品以下者就便處決其有

政蹟尤異暨海跡於丘園才堪輔治者具姓名聞咨尔
臣庶體於至懷

追封河南王夫人制

古者婦人之義名字不出閨門迺所以別男女嚴內外
也故河南行中書省左丞相卜鄰吉台妻胡氏徽柔惠
淑蚤孀高門相其夫子顯聞于時予方推恩四海矧我
股肱之舊而有尔伉儷之良乎故追封尔為王夫人仍
啓河南故圻以從封夫爵噫婦官一品綸程有光其尚
陰隲尔家朕我寵休之無替

思州軍民宣撫使田晃晃忽兒不花封贈二代制

國家外建藩屏以靖遠人責其宣布懷仁之惠能使恩
威並流而一方清謐者稽于國典可不賞勞乎具官某
父某官某向膺朝寵勤庸服官勩力小心不聞有過乃
教忠於嗣子得寵慶於世家茲朕所不忘者也故命追
褒異數階秩一品有靈在幽尚迪尔後

比屬有司考禮于卹典矣而婦人之貴嘗視其夫子焉
况有鵲巢汝墳之懿能行於其閨門衽席之間者乎具
官某母某氏女儀柔婉來孀辨族相其宗事珩璜有節又
能薦生令子朕柔疆場撫綏之勞湯沐衍封昨以列國
其尚歆承休寵利尔後昆以延饋祀之無已哉

朕以孝治天下凡人臣之親悉命因其班列之次功庸之等以為寵數之異焉具官祖父某官某昔備官使輯綏邊氓頗著惠懷有譽南服夫天之施仁於物無間朕敢不法天而已哉宥密之司階品為貴啓爾後人保茲終吉

先王制禮婦人之義飲食衣服祭祀而已非有與於外事也然或婦道母德可以表率宗族而成其夫子者頌宜有以顯貴之也具官祖母某氏早躬組紉克遵女戒作配令族柔閑有儀惟時閭孫扞我邊圉膺被爵祿光寵于時而尔可不疏封鄉國以廣彤管之訓乎贊書在

門其告泉壤

太師右丞相封贈三代制

定策元臣肇啓中興之運推恩彝典聿申先正之褒揆禮是宜勸善惟允具官某質實無競沉執為有謀服勞王家久著屬橐之績薄違圻父夙專乘一作障之功嘉尔曾孫為予冢宰於戲深陽開國儀宗斧鉞之光冊府書勳銘載旂常之顯英靈如在寵數是歆

曾孫有慶衍三世之恩榮大賚匪私勸百辟之忠蓋有嘉淑女作配先臣具官某妻某孝養姑嫜教遵姆傳居謹珩璜之節躬親絲枲之勤宜厥家人相其宗事魚軒

翟第往膺江左之封鳳詔龍章用播名南之德歆予時
命迪尔後昆

開國承家禮重胙勳之典析圭儲爵恩先子善之仁報
施匪私褒崇惟稱具官某英標倣倘偉器沉深蚤奮厲
於師中爰馳驅於戎右股肱心膂桓桓挺萬夫之雄弓
矢干戈井々飭九伐之法世稱良將曹衍名孫定大策
於樞機真皇圖於寰宇於戲石城鍾阜肇開赤壤之封
礪山帶河允著丹書之誓貴尔窀窆歆我絲綸

朕茂膺景運大賚元勳恩推再世之封禮及重闈之慶
具官某妻某氏柔嘉維則婉孌有容事夫盡舉案之恭
職脩中饋弄孫致舍飴之樂福裕後昆凡我邦國之光
繁尔室家之勳鳳臺胙土業開脂澤之田寓詔封泥永
貴泉扃之兆尚歆寵數益衍休祥

朕以崇德報功實先王之令典遠邦啓土昭奕世之殊
勳瞻我舊臣錫茲新命具官某魁竒天挺卓犖人雄韜
略遠於孫吳志勇邁乎魏晉武皇撫軍於龍漠躬擐
風沐雨之勞而大將出陣於魚麗懋掃穴犂庭之績威
行萬里恩浹六師訖振旅以表戈底來賓而包匭每御
衣裳之會幸深鐘鼓之恩其子象賢由教忠而尚義為
國獻懷遠翔運以中興永惟閭閻之隆端繫社稷之重

不有異數曷稱至懷於戲朕矢彤弓嘗旌勤于征伐丹
書鉄契尚迪慶於承傳淮甸分茅泉臺告第

朕眷元臣之勤幼被慈母之訓屬有司之考禮宜大國
之疏封具官某妻某毓秀名門作配君子珩璜瑤瑤脩
婉婉於婦容蕙藻蘋蘩致齋莊於宗事篤生令器實贊
丕謨底海宇之謚寧承邦家之休慶綵紵方底寫翔芝
檢之書霞帔襲衣雉纈第車之采江都鋤壤泉室增華

太保左丞相封贈三代制

匡時靖難資大策于元臣崇德報功覃湛恩於累葉奉
清議禮典壞定封具官某故曾祖父朕勤侍衛秉信功

臣太傅銀青榮祿大夫上柱國梁國公謚敬簡探馬哈
兒秉質無華詒謀有永蚤備勾陳之列式昭析木之祥
衍善慶於曾孫篤忠貞於熙代使宅百揆光于前人於
戲開國浚郊具儀文於鉄戟承家新鄭紹世美於衣冠
錄我絲綸告尔窳窳可追封陽翟王

朕詢功定賞念扞衛之多難推慶行封俾覃延於三世
懿彼靜女配予先臣具官某故曾祖母梁國夫人忽都
貞登倚壺儀克承宗事不假詩書圖史之戒素閑織紉
組紉之功迪美萃於曾孫發祥殷於令族新廟奕々斷
松栢於新津原田每每畫封圻於梁土龍章有赫象服

來款可追封陽翟王夫人

朕獎元勛思推舊德濟其世美詔庶孫謀屬大業之中
興賴名藩之外援追封奕業寔著彞章具官某故祖父
守忠翊正效節宣力功臣太師金紫光祿大夫上柱國
梁國公謚莊順稱海質稟淳龐躬行愷悌橐鞬宿衛久
服勞於王家弓冶承傳遂開先於相闕方軋坤之清謚
俾綸綍之渙頒用禮勸忠書功旌善於戲伊洛瀍澗樂
紉魂魄之遊山川土田衍爾蒸嘗之奉昭茲來裔祐我
丕基可追封河南王

命婦朝后彤管著於女箴令妻相夫肇緣陳于內則曹
惟淑德嬪于名門具官某故祖母梁國夫人忽刺貞毓
質潔嘉修容婉婉久襲祥於世業當擢秀於孫枝為國
懷材贊予茂烈雲翔鸞誥俾澤漏於泉臺颺轉魚軒想
并遊於梁苑尚貽多祐福尔後人可追封河南王夫人
惟王遠國必崇德以報功自天降康乃生賢而靖難茲
眷元臣之懿宜推先正之褒具官某故父懷忠濟美積
德崇慶功臣太師開府儀同三司上柱國特進河南王
謚忠懿謹只兪蘊善弗彰紹謀斯永為郎執戟風多宣
力之勤有子克家益勵教忠之訓定中興之大策立不
世之殊勳匪衍王封曷稱朕意於戲河山帶礪式箴盟

府之書乾坤環符期萬熙朝之祐格思英爽歆此寵光
可追封鄭王

朕惟元臣克相中興之業母有令子宜膺崇秩之封稽
諸契章廣我孝治具官某故母河南王夫人燕赤吉納
夙閑姆訓綽著婦儀薦蘋藻於蒸嘗節珩璜於夙夜內
政素勤於中饋慈訓尤切於斷機德啓閨門光資邦國
俾茲鄭圃乘翟第以來遊嘉彼召南賦鵲巢以行化俾
頒綸誥用賁泉扃可追封鄭王夫人

平章也速迭兒封贈三代制

夫用之紓者積必厚行之徐者力弗殆斯道之常匪曰

責報也平章也速迭兒曾祖父贈定威佐運功臣榮祿
大夫司徒柱國追封曹國公謚忠定撥撒出於華旋夙
奮材武從我太祖皇帝親屬橐鞬崛起戎列威行方國
戰功良多及定隴陝斬悍孽旗臨敵致死大節赫然傳
不云乎活千人者有後茲爾較世之遠傳家孫曾愈碩
大光顯又得議封于禮官博士非用兵有活人之德而
無于命須異數開國曹南中士與壤壤慶濟美可示為
將者之勸可贈定威佐運功臣光祿大夫司徒上柱國
追封曹南王謚忠定

古禮命婦朝后是則婦官尚矣平章也速迭兒曾祖母

追封曹國夫人塔拜幼勞慈育生子克家戰勝攻取丕
佐興運議禮制度于尔有封德夫之爵曹國小君象朕
翟第歆茲追寵可追封曹南王夫人

朕稽古為治立國以禮故臨御四海永慕祖宗創業之
艱難美其興運佐命之臣厚厥世賞以訓臣鄰矧其胤
裔又有能全其終始者乎平章也速迭兒祖父贈宣忠
靖遠功臣光祿大夫中書右丞相柱國追封曹國公謚
桓毅也柳干蚤倭寇衛分從賢王前驅先登戡定河外
俾金國為墟而宗社遂以屋者盖尔戰多之力焉異姓
封王於尔為寵矣英爽不亡尚保尔世哉可追贈宣忠

靖遠佐運功臣金紫光祿大夫中書右丞相上柱國追
封曹南王謚桓毅

夫恩禮覃於百官則先近臣漏澤施於九原則觀來者
平章也速迭兒祖母追封曹國夫人臧列蚤嬪高門無
違宮事克相君子為王虎臣又有聞孫贊予景運俾有
司議封乃追命尔為王夫人以曹南之田為脂澤之賦
尚歆寵渥益衍廟食可追贈曹南王夫人
先王有崇德報功之制宣曰觀美盖以旌善而勸忠也
平章也速迭兒父光祿大夫中書左丞相先贈協謀定
遠佐理功臣太師開府儀同三司上柱國曹國公謚武

宣阿刺罕生長富貴宴安而氣無統綺子弟之習勝衣
荷戈奮身前驅維時世廟觀兵江潁貔虎百萬之衆謀
臣如雲乃能立功名于其間北征叛王轉戰千里南殄
奔君樹旗海嶼勛勞顯著寵賚便蕃我國家於君臣之
道可謂至矣朕不聞鼓擊猶思將帥况尔有勳為予蓋
臣中興之初率兩河將士戮力介冑之間大臣以聞乃
隆推恩之禮上及於尔三世焉曹南之郊桑谷沃壤開
國稱王人臣極位尔克有靈歆我綸命可贈推誠宣力
定遠佐運功臣太師開府儀同三司上柱國追封曹南
王謚忠宣

我國家經營南國之初尚賴膂力之士材武之臣克成
大業勛勞之蹟皆以銘於太常矣又且尊顯其身以至
於室家之有慶者茲非典禮之懿乎平章也速迭兒母
曹國夫人脫端淑慎端惠夙配君子遵召南之化而象
朕是稱施孟母之教而訓忠有言卓茲令器為朕虎臣
臨御之際褒錫宜先開國曹南以衍胎澤之賦煒其榮
光貴尔窀穸可追封曹南王夫人
君子不昵於宴安之私以能成其功名者亦嘗資於內
助焉平章也速迭兒母曹國夫人闊、倫幽閑端懿鷄
鳴而起相其宗事婦德有稱沒後夫爵啓封曹王魚軒

象服裕尔後昆可追封曹南王夫人

大傳禿魯封謚制

帝垣台位象已著於上玄大傳師臣官尤崇於常秩有懷舊德追錫真王大傳禿魯蚤陟華階懋脩素履小心翼翼文昭持橐之班終日乾々勞著屬橐之績宗親入覲傾相是資耐金不罰於諸侯英蕩恣同於元會樞機宥府奠軍國於乂寧鼎鼐台司贊陰陽於化育踐敗禁近閱歷歲年持風紀於臺端肅官箴於朝著天不憖遺朕用盡傷思咨茂勛爰申卹典於戲昨尔茅土俾開國於廣陞播乎絲綸尚流澤於函壤諒茲靈爽服此寵章

可贈懷忠秉義昭宣弼亮功臣太師開府儀同三司上柱國追封廣陽王謚清獻

男位正家恒有資於內助女師結悅庸作配於上公獎我舊勳迨于佳儷太傳禿魯妻畏吾氏幽閑毓德婉奕賦姿象服是宜奉蘋藻於祭祀彤管有輝謹珎瑀於箴規懋著婦功克相宮事痛所天之先殞誨厥嗣以益嚴石窀啟封賜廣陽之大國容臺議禮贊名南之夫人享尔高年欽此異數可封廣陽王太夫人

右丞按漣封謚制

朕以崇德報功之制聖王建國之皇圖論名立謚之稱

昭代褒賢之鉅典用光煥寵俾洽臣隣右丞按灘少稟粹姿蚤登膺仕周廬星列入陳扈蹕之勞專駟馳來上屯田之奏思威襲蠻夷於冠帶忠孝擴詩禮於箕裘錫類著乎家邦浚明勤乎夙夜貂蟬七葉飾躬不瀆於華鮮孤矢四方迪德彰彰於懿美篤生令器丕佐明時聿彈嘉猷晉參大政橫經內殿矢茲密勿之言熙載外朝體朕都俞之意有司考禮於汝推恩爰頒渙跡之辭式副哀榮之志於戲丞相一品英靈尚克以歆承奉階六符善慶益延於似續錄諸告第欽我贊書可贈素義效忠著節佐治功臣太保開府儀同三司上柱國追封

特進趙國公中書左丞相謚貞孝

周南正始教化被于閨門趙國疏封寵榮光于泉壤爰稽彝典用獎有官右丞按灘妻唐吾氏毓質柔嘉脩儀婉婉來嫔閨闈蚤乘翟茀之車克相夫君益著鵲巢之德爲生令器褒作名臣服慈訓之不忘迪嘉謀之入告稽思遠矧體人子報本之心考禮飾終示我朝廣孝之隆尚昭懿範歆此告詞可封趙國夫人

尚書左丞相某封誥制

朕纂承天序入正大統思予皇考繼志述事眷惟至大之間更張庶政務適人宜褒贈以勸百官鼓鑄以利兆

姓時弗念諸事或中輟興言追悼斯念篤臣故尚書省
丞相某早列環衛給事禁闥升諸台席浚明夙夜佐予
皇考一德一心顧遇寵賚廷臣莫及予方以孝治天下
躬裸武廟如見羹牆况予先臣有子在列茲命禮官公
議于廟謂爾宜封郢城王位貴專楚都旌旗斧鉞開國
西南精忠不昧尚從先皇於遐狩哉可贈竭忠宣力守
義佐治功臣太傅開府儀同三司柱國郢城王謚榮敏
表牋

賀元旦表

皇極建中賁嘉生於世運乾元資始衍嗣歲於人時叶

氣開先純陽肇德欽惟道全居正功洽體仁坐宣室以
受釐百神奉職御明堂而布政萬國咸寧勾陳環列于
端門庭實駢羅於文陛臣某等塵聯烏府迹造鴻行進
封事於銀臺慙稽袞補紀卜年於寶曆欣對嵩呼

正旦賀興聖宮表

帝曆開天祥發貞元之會母儀法地源疏河海之涵百
物順嘉四時叶序欽惟陰功厄世懿德承乾肇聖緒于
姜源弥虔祖武嗣徽音于太妣益衍孫謀茂綏獻歲之
祥膺保屬端之吉臣某等遭逢世泰綴列朝行官備中
臺王朔願敷于錫福慶隆長信民功仰荷於資成

賀正旦箋

夏正授時謹民功於肇始皇儲主器履帝武于闢先慶
集三朝福章萬姓恭惟秉文純粹叶德光華青燁一作
迎陽爰啟前星之重黃離繼照式昭太極之尊宅元祀
以承天布王春而獻歲臣某等叨塵官序忝列諫垣齒
胄雲庠茂對奎明于午御慶歌魯頌仰觀日麗于寅賓

賀建儲表

伏以天潢毓德聿開聖嗣之隆廟祐承祧爰啟儲闈之
慶祥臻泰道福集昌朝欽惟迪德堯仁躬親舜孝日麗
乎天而明兩益紹重華帝出乎震而游雷弥嚴繼體乃

眷元良之懿式膺監撫之崇臣等備位烏臺趨朝鷄曙
前星奏瑞載瞻青輅之旂太極含元第衍黃圖之籍

賀春宮箋

甲觀儲祥肇泰始含章之慶春宮正位受少陽體德之
尊神器有歸宗祧是賴恭惟生知忠孝夙稟溫文躬問
侍之勤德已昭於帝胄膺監撫之重道允叶於皇猷承
華克紹於丕基建本方隆於大寶臣某等忝居侍從喜
際文明鶴禁景運額早親於四學雲門樂奏期介祉於
三官

賀建儲表

聖嫡承祧大慶方延於國祚神孫主器鴻休實肇於天
源龜筮叶從臣鄰效順欽惟慈仁坤育靜德乾儀益恢
皇極之尊繩其祖武俾正少陽之位貽厥孫謀建儲允
屬於元良繼體式昭於岐嶷臣某等叨塵憲府欣遇熙
朝瞻鶴駕於春宮三靈奉翊陪鴻行於長信萬福時臻
監修國史賀正表

瑤圖撫運紹開致福之祥寶曆乘時肇序體元之始大
鈞播物淑氣迎和欽惟道洽古今性資文武潛心帝王
之學聖教日躋合德天地之仁皇猷允塞歲事啟戎於
農扈治功端本於王正臣某等辱備台司監綜史氏觴

禱萬歲樂快覩於龍光書載三墳期永垂於狐筆

監修國史賀正表

天明即命紹開帝曆之隆王朔躰元序正人時之始大
鈞坎北和氣冲融欽惟叶德重華備道全美御端門而
肆赦萬寓熙春坐宣室以受釐五辰順軌方九賓之在
列萃諸福以來臻臣某忝列師垣兼塵史觀數辱奉勸
庸申效於蒿呼鴻筆紀謨願同符於龜書

賀建儲表

禮謹承祧首正元良之位德符主器丕昭大統之歸宗
社乂安臣隣慶抃中賀道淳乾始祥發震亨受命建中

邦家之基肇因詒謀思永著龜之吉叶從重暉煥於前
星鏤冊光于上嗣監撫有托似續無疆臣等獲覩青宮
幸趨絳闕聖神永錫頌壽考之萬年忠孝弥彰衍本支
之百世

賀建儲箋

德配前星肇正青宮之位禮嚴吉日丕昭寶冊之尊任
重承祧職勤問寢中賀溫恭夙著英敷日新受震建中
式際上元之運明離繼照永開太平之基啟鶴禁以肅
清奉龜圖以祇敬國本斯立宗支以昌其等職厠雲庠
班聯魏闕終始于學願廣緝熙之功追琢其章庸贊泰

和之治

賀立后建儲表

冊達中宮體黃裳之居正祧承長器仰蒼震之儲祥國
本以寧壺儀攸叙中叙聖資神武玄德欽明義教化厚
人倫允叶相成之義奉宗廟承祭祀丕昭繼照之明慶
洽三宮懽騰八表臣某職塵仙館班筵帝廷運值上元
盛典並行於吉日天開大定顯謨已著於初年

青詞祝文

壽寧宮設醮青詞

伏以道妙無言神功不宰既仰成於乾造寔默相於皇

家祗即琳宮肅延羽服誦瓊文之累笈格絳景於紫霄
伏願有感必通俾昌而熾五風十雨爰祈玉燭之調億
載萬年益衍瑤圖之永

祭皇祝文

迎太歲神

白虎送神

病符喪門

於穆元造孕靈載物神御所棲曰歲斯福順成導祉備
我牲玉叶德坤儀受天百祿

坤一作坤

輿載靈司彼金方宣義揚威以戒時康后儀象

坤靜德是將以籲以祈神其降祥

運化流行元氣大和輻輳上下或爽以瘥々茲明誠儀
物孔多期底善寧如山如河

維靈在幽輔茲歲君或侈陰威疴癘我人啟迪佳美惠
布善人鑒茲蠲潔以求報相

則在上不顯六臨牲幣孔碩聿將厥心神之格思有
肅其歆

我俎既馨我祝維修辰舍順軌神祺安游相我坤寧叶
于皇歆

馬石田文集卷第七

章疏

請慎簡宮寮疏

伏觀延祐三年十二月十九日皇太子正位春宮百司
上箋稱賀禮畢欽惟列聖繼統治功大洽文恬武熙百
年于茲矣聖天子高覽古今軍國之幾蚤達天下之本
日月之明無以比德皇太子殿下溫文仁孝天賦美資
急宜招延天下碩德雅望文采博通之士朝夕起居以
侍左右輔養懿美薰陶中和三代紹述厥要惟茲傳云
成王始為太子也太公為師周公為傅召公為保伯禽

唐叔與遊目不聞濫聽耳不聞優笑居不近庸邪及為君也血氣既定游習已成雖有放心不能奪已成之性今皇太子殿下春秋鼎盛神明日彊道德之言禮樂之事當豫諱而速親其方不過求賢而已伏乞今後議行建立宮寮之時公集大臣覈求名實相副端能調護羽翼儲闡之才以係四海之望所謂下官臣僕亦宜精擇而不可雜以商賈冗瑣之流天下休戚之源實在於此卑職草萊賤士誤被拔擢敢不盡言少紓重責

建白一十五事

竊惟古者建立言事之官非徒撻拾百官短長照刷諸司文案蓋亦拾遺補闕振舉絀維上有關於社稷下有係乎民人禮文風俗治體所存名爵謚贈政理斯在教化有方則善惡自別設施有法則緩急自明重穀則農自勤定制則官自守修武則先恤兵嚴試則可勸吏事欲究其本末言似涉於繁無統論難悉條析易陳所有建白事一十五件逐一開具如左合行具呈憲臺照詳伏請聞奏施行

一夫惟天子者上承天地下結祖宗社稷是寄黎庶是戴宗高尊大無與比隆奉養當極其精美保愛當極其嚴密大而一飲一食小而一嘖一笑若調攝聖體凝順

中和則清明在躬淑善咸應欽觀皇上仁心如堯儉德如禹伏願重以承天地祖宗之鴻業於進御之間當以玉食宜乎榮衛者為先至於酒醴固是穀麥所釀然更乞於進御之際命近侍臣隣思一獻百拜之義則天下生靈不勝幸甚

一郊祀者國之大禮在古所隆欽惟聖上仁慈孝敬度越百王伏願今後郊祀之日大駕親有事於南郊親裸於太室則天地答貺神明降禧薄海內外咸仰聖德太平之福群生幸甚

一大內正衙古之帝王朝百官之地今大明殿是也觀闕盤礴城雉繚環祖宗之所御黎庶之所瞻今聖上謙德弥恭尚居東宮之舊竊慮民物觀聽有所未喻伏願賜御大明正衙鎮服華夏統體天地何以言之譬日月星辰順居次舍則萬物被光群生仰明也

一百官朝見奏事古有朝儀今國家有天下百年典章文物悉宜粲然光于前代况欽遇聖上文明之至如科舉取士吏貲降等之類屢復古制惟朝儀之典不講而行使後世無所鑑觀則於國家太平禮樂之盛實為闕遺且夫群臣奏對之際御史執簡史官執筆繕錄珮玉儼然左右則雖有懷姦利乞官賞者亦不敢公出諸口

如蒙聞奏命中書省會集文翰衙門官負究講參酌古今之宜或三日二日一常朝則脩道昭明生民之福也一古之為治蓋有禮樂刑徒事刑法之末也夫有道之世措置施設悉存禮樂之義欽惟聖上君德昭然孝慈純備嚮居潛邸格致天下儒學之臣延納海內知名之士禮樂文物洽乎聖性情一作故踐位以來進儒術而抑吏道却珍禽而絕遊畋清心寡欲民物豐阜其用儒之效固已驗矣獨未聞今皇圖左右天下儒學之臣有幾海內知名之士有幾伏願憲臺聞奏乞賜依准治古之法命朝臣集議典制請行皇太子視學齒胄之禮明示

天下教化之本雖道德之躬仁孝溫文固已篤至然聞見習熟又在薰陶此實係國家萬世之福卑職先上章疏特請選擇師傅左右之人至今未蒙施行然區區之情實念及此不勝切至之甚

一中書省樞密院御史臺三府掾史雖職掌文書亦日佐大臣決理政務伏請聞奏設立律學筭學博士命隨朝二品三品正流衙門吏人欲求轉補三府掾史者就其所業於律學筭學博士之前應試依科舉差監察御史監試吏禮部官知舉每一周歲試舉一次則三府有得人之實下無躁進營求之私試中之人不必限以出

身之高下不中者數下本後考滿不得過從七品仍預
照會施行則立賢無方公道不偏

一諸道宣慰司除吐蕃南詔兩廣福建外如淮東浙東
荆南山東四道並為無用徒月費俸廩坐養官吏而已
如依准前代之制就令一道重鎮路分總管達魯花赤
帶受本道宣慰使等職名鈐轉數路上不煩朝廷虛設
職官人吏下不使數路官府牽制煩複無益於事

一諸翼軍官自萬戶下至百戶子弟承襲父兄之職者
合參酌古今之宜設立武舉並須習學兵法武藝如蒙
古色目人只試以武藝如願試兵法中者陞階漢人兼

試兵法武藝中式者方許承襲如布衣之士願試及中
者於各翼或不叙或戶絕等歇空相因名關內擢用如
此庶使武備不弛軍政稍嚴保大定功之事為體不輕
必若今日難於更張則四方宣力老將既已病死承襲
驕脆子弟但知酒色裘馬為華好一旦真欲冒矢石執
干戈以犯勍敵不惟本人自取肝腦塗地後軍將吏死
復何辜卑職庶觀前古之迹其禍患弊病未有不生于
太平之世竊慮及此伏乞施行

一司徒司空皆古三公之流人臣名爵無與此位比者聖上
踐祚之初沙汰冗濫尤慎此官近歲屢有雜人等如沈宗攝

汪元昌輩亦受司空司徒切實天下後世傳為口實非便
一親民之官守令為急然守令者緣係朝廷遷除之人
才或不良心亦知懼而行省所差府州司縣提控案牘
都吏之目典史之徒往往恃其名後之細微縱其姦猾
舞文弄法操制官長傾詐庶民蓋此徒出自貼書小吏
數十年間轉充是役卑職頃居田畝嘗聞此等言曰我
等身無品級子無蔭叙原此初心謂之無賴而令竊弄
府州司縣之權利刻剝單弱以肥其孥良可憫歎如蒙聞
奏命中書省除各路存留流官經歷知事照磨外其餘
革去請參酌古制令各州判官僉書州事各縣主簿勾
稽本縣文簿實為官制不紊體統稍均人既有名事自
不苟為係於民不細伏乞施行

一命將守邊國之司命然御將之方當盡其道毫銖一
失利害懸絕要先知其艱難勞苦之情平居使之順其
逸樂畧其深文密法而不責其小廉曲謹然後効死也
易是為御將之道夫將不可不擇也擇而用之勿疑不
疑則專則重則可倚之而不効則名而殺之無
輕名之理今近歲連召北邊大將似涉輕易古語云臨
敵易將非策也竊慮及此伏乞聞奏施行
一漢軍征戍嶺海之南歲病而死者十率七八其所屬

軍官利在危殆之際必用資財擬指軍人北方本家所有孳畜田產厚息借貸准折還納終致破產不敢有詞夫以世襲軍官蚕食部下行伍深可哀痛今後如蒙將在嶺海及漳汀等數處征戍軍人果有病患除官為看醫外其貧苦闕用之人比及取發封裝以來宜令本處有司約量借放封裝到日撥除還官並不收息或應借貸而不借貸不應借貸而借貸者從本道廉訪司體察究治如此庶不致中原軍戶日蹙軍官日富

一侍衛親軍根本所係宜令各衛指揮使立時教閱練習武藝齊力訓養精銳則萬一倉卒得用仍除鎮衛守

把外一令與官負作工蓋造役使勞苦幸甚

一太常定謚古今義制款使姦人知懼於死後善人有勸於生前近歲謚號之稱不公殊甚如今後太常定謚不公宜令監察御史糾彈庶使輿情稍伸國典不曠

一農穀天下之本也四民則以農為次百貨則以穀為首操帛布之重輕關生民之休戚者穀為急焉而近年工商深侈游手衆多驅壠畝之業就市井之末蓋為政者失勸農之道焉今後乞將各路府州縣達魯花赤專管諸軍與魯總管知府知州縣尹專勸農事既歸一功仍可就更詳究重穀勸農之方畫一開坐行下有司

遵守如民有馬牛驢畜遞相食踐田苗并此彼爭告田
土疆界不實等罪名及民間婚姻債負拖欠金銀資財
許得以穀贖罪准折輕贖之類果有力田之人縣州勸
農官等就於見在錢糧內撥賞東帛豚酒然後開申不
實者許廉訪司體察如此旌異慰勞行之數年必有成效
請量移流罪

禮樂刑政治國之具有一不修則施法度欽惟國朝有
天下以來不嗜殺人仁覆生齒涵濡煦育洽然大和而
於用刑尤切慎重然伏見近年頒降德音中間屢無量
移流徙之文竊慮聖人愛物之仁推恩未悉有傷至化

夫大辟死罪或被赦原釋然歸保妻子而減死流罪竟
無寬宥不得生還里閭此豈法之平允哉乞今後如有
例令長流罪惡別請定擬長流條例其不應長流者亦
請驗情輕重度地善惡每遇恩澤輒行量移如蒙檢舉
典故施行則天下生靈幸甚

辨王左丞等

竊聞傳云王臣蹇以匪躬之故國家實賴焉夫便佞辨
給徒利一已視國與民漠然如無情者國家何補哉伏
見中書左丞王伯弘前中書平章政事拜住曩在政府
常以直言正色力持公平與權臣帖木迭兒抗論可否

若此二人其於國家緩急之際剛毅不屈信可倚仗宜從憲臺聞奏將二人擢實機要不令外補實社稷之計

彈大都路總管范完澤
伏惟京尹之職民實具瞻漢唐以來尤慎茲選至如我朝掄才審官嘗難其人不以輕授初如嚴游張郭近如姚異二王等俱負才幹悉有名稱緣飾文雅練達事務中外厭服士論美之苟非其人曷以尸職今某非儒非吏素無寸長才名不著於當時祿位苟同於先輩復若近日私家被盜一事自至所屬兵馬司公解迫勒訊問賊徒侵官失體廢法任情即此而觀他可槩見理宜奏代別選才能相應

彈中書叅議李羅等官

近為太師右丞相帖木迭兒濫用人負窒塞常選已嘗論列今察知中書叅議李羅劉吉等四人俱係貼木迭兒腹心之人依憑請託假借權勢李羅乃前尚書省得罪之人劉吉乃宣政院起身之冗吏左司都事馮翼霄在宣政院僥倖驟進右司都事劉允忠乃胥吏微品朦朧奏准起復喪次以圖驟進如此四人列居顯要資畫政事宜惟玷辱名爵實廢清議宜從憲臺奏罷

論執弓矢禁例

近承奉照會該欽奉奏准禁約漢人百人以上執弓箭箭打圍處重刑百人以下流遠方徼及一兔之獲罪各有差竊謂作法有名衆訓無弊且今日見行條例已有禁漢人弓箭之科又有禁諸人聚衆之制若復以上項打圍處重刑等例錯綜而經羅之誠恐愚氓舉足陷罪難避易犯實為可憐而朝廷受禁人捕獸兔之名尤為非義宜從合干部分檢舉禁築圍地舊規遵守施行不勝幸甚

論秦州成紀縣等處山移事

伏見議遣大臣馳駟陝西賑恤災異祈謝岳鎮卑職叨冒言路敢有愚昧謹用敷請夫山移大變實維天譴是為不動之物而動大臣以下各宜避官位推讓賢能畏懼修省表奏待罪庶乎對越上帝而為國綿延丕基非但遣使祈謝賑恤一方一隅而可弭災也竊又聞之應天以實不以文昔師曠對晉平公石言之語載在方冊世世為監今山移之譴理無靈示豈非在野有當用不用之賢在官有當言不言之倭所以感召不動之物而動毒延庶民甚可哀痛且端本首善在乎幾微萬物咸遂百職共宜然後高下奠位山川宅寧伏乞憲臺早為敷奏任用賢才相應

論百官請賞

比見隨朝見任請奉官負不思廉慎奉揚廼職或求婦
嫁女或市宅營私徃、交為懇奏財物私相賣息實臺
公帑夫寵賞賜賚下及臣庶國之所以鼓舞激厲天下
之具而為人臣者蒙受恩澤之時又當戒盈畏溢固讓
力辭必不允請然後敢受豈容敢瀆褻天聰乞請才物
者哉况見任官負自有俸給祿廩之厚品職封蔭之榮
至如一錢一米擬合為官惜費而乃上虛府庫自肥其
家其於忠孝廉恥胥失之矣今後如蒙憲臺明白聞奏
禁約見任請俸官負不得交相懇奏財物仍令監察御
史糾彈庶幾賞及有功貧人知懼卑職愚誠不避謗然
惟圖報稱少裨治明

論加恩典

故大中大夫浙東宣慰使陳祐執德不回夷險一致始
由才選擢任專城敷歷清資榮居方面當其蹈節而遇
害豈知徇祿以偷生况忠讜之言素著于時而患難之
際益明其志可謂不辱其身者矣稽諸卹典爰有加封
施及舊臣庶乎無媿切聞禮及賢臣國無不治之政息
推耆舊士有先死之心故蔡國公張柔拔起編伍歸身
我朝環甲荷戈開拓土宇卒為名將有稱于時偉績碩

功載在史冊如比史忠武公例進封為王可為無愧前
翰林學士承旨劉敏中文采振發學博行美精力未衰
歛身求退高蹈之節近世所無理宜半俸養老于家激
厲廉恥有開治化

舉翰林侍制袁楠等

上件官學問究極乎群經文章繁著乎當世修國史則
足以宣揚聖業代王言則足以潤色皇猷久次翰林屬
官誠為淹抑翰林修撰陳觀性稟端方操履嚴慎使之
居糾察之地必能振舉職業不苟於事前國子司業吳
澄知經一作博古學術博古學術博深求之海內可謂名儒如蒙擢

兩院以備訪問相應

神右丞相帖木迭兒

伏見中書右丞相帖木迭兒貪縱不正擅弄威福國之
衰邪民之惑亂已嘗上章論列今復體察到不公不法
等事十一件云云當時如蒙憲臺早為聞奏追問則
天下生靈不勝幸甚

進千秋記略劄子二

伏以賓賢之官專以輔導為職輔導之方又以毓德為
急古先聖王嘉言善行日陳於前所以薰陶漸染養成
至性者實在乎此甲職忝居是任惟懼弗稱今纂集

代儲貳政實及為臣子之道逐一繕寫成書名曰千秋
記略謹用黃綾裝背隨咨前去早為擇日一同進呈乞
依准經筵例進講施行

當職近纂集到千秋記略一書用黃綾裝背已嘗隨咨
發去貴院乞擇日進講去訖至今四月未蒙施行又照
得詹事府贊等官俱以輔道為職理宜叶恭調護事大
體重責望非輕除外更乞早為擇日進講施行須至咨
呈者